

# Communique by the PIC Steering Board

## Upravni odbor Vijeca za implementaciju mira

Upravni odbor Vijeca za implementaciju mira održao je sastanak na nivou politickih direktora sa Visokim predstavnikom u Sarajevu, 10. maja 2001. godine. Upravni odbor je iskoristio priliku da se 9. maja sretne sa članovima Vijeca ministara s kojima je u konstruktivnoj atmosferi razgovarao o programu nove Vlade, i pružio podršku prijedlozima Vijeca za unapredjenje direktnih stranih ulaganja i stvaranje novih radnih mjesta. Ovom inicijativom, Upravni odbor zeli da naglasi vaznost tijesnih konsultacija i partnerstva izmedju medjunarodne zajednice i vlasti u Bosni i Hercegovini.

Upravni odbor ostro osudjuje nasilje koje su nedavno izazvali nacionalisti u RS i Hercegovini. Upravni odbor izrazava cvrstu odlucnost da ne dozvoli da takvi incidenti na bilo koji nacin uticu na tok implementacije mirovnog procesa i pomirenja.

Upravni odbor konstatira da iza nemira koji su imali za cilj prekidanje ceremonija u Trebinju i Banjaluci stoje ekstremisti. Upravni odbor podsjeća organe vlasti RS na njihovu odgovornost u osiguranju efikasne javne bezbjednosti, provodjenju vladavine prava i ispunjavanju obaveza na zastiti vjerskih sloboda provodjenjem odluka Doma za ljudska prava. Upravni odbor oceku Upravni odbor ocekuje da se pocinioci privedu pred lice pravde.

Upravni odbor jos jednom osudjuje i odbacuje nezakonito i neustavno proglasenje tkz. "hrvatske samouprave". Odbor u potpunosti podrzava mjere Visokog predstavnika protiv paralelnih struktura i samouprave, kao i napore na identificiranju onih kriminalnih elemenata koji drze taocima legitimne interese hrvatske javnosti u Bosni i Hercegovini.

Upravni odbor apelira na izabrane dužnosnike da preuzmu svoje mandate u legalnim institucijama na svim nivoima. Upravni odbor podržava sve napore na uspostavljanju dijaloga kako bi se sva legitimna pitanja od značaja za bh. Hrvate riješila unutar ustavnog okvira zemlje. On pozdravlja inicijativu za dijalog koju je Upravnom odboru predocio predsjednik Karlo Filipović u ime Federacije Bosne i Hercegovine.

Upravni odbor pozdravlja porast aktivnosti u procesu povratku u 2001. godini, koje su uslijedile nakon napretka postignutog u 2000. godini. Upravni odbor konstatira da je u toku prva tri mjeseca 2001. godine ostvareno više od 17.000 povrataka izbjeglica i raseljenih lica, uključujući i 15.593 manjinskih povrataka, što je dvostruko veći broj u odnosu na isti period u prethodnoj godini. Međutim, nedavni primjeri zastrašivanja i nasilja uperenog protiv povratničke populacije, kao i odsustvo odlučnih mjera lokalnih organa na sprečavanju ovakvih aktivnosti, predstavljaju prijetnju kontinuiranom odvijanju procesa povratka. Državni, entitetski i lokalni organi vlasti moraju demonstrirati veću inicijativu i promovirati povratak kroz ubrzanje procesa povrata imovine, veću koordinaciju između državnih i entitetskih organa i jačanje vladavine prava. Upravni odbor podržava stalne napore Visokog predstavnika na olakšanju povratka izbjeglica, posebno pružajući podršku povratku u Posavinu, istocnu Republiku Srpsku i urbana naselja u cijeloj BiH, gdje su potrebni ubrzani pomaci. Upravni odbor toplo preporučuje donatorima da nastave pružati financijsku podršku za ove programe.

Upravni odbor pozdravlja napredak koji je postigla Ustavna komisija u Republici Srpskoj na detaljnijoj izradi amandmana na Ustav RS, nakon što je Ustavni sud BiH donio Odluku o "konstitutivnim narodima" prošle godine. Upravni odbor očekuje od Ustavne komisije u Federaciji BiH da svoj rad završi što je prije moguće. Upravni odbor poziva oba Entiteta da u što skorijem roku završe rad na razmatranju ovih pitanja.

Upravni odbor podsjeća na obavezu organa vlasti BiH da unutar

utvrđenih rokova ispune minimum uslova na putu ka integraciji sa evropskim strukturama, u skladu sa Smjernicama Evropske Unije ("EU Road Map") i procesom za prijem u Vijeće Evrope. Ključni uslov jeste hitno donošenje izbornog zakona ove zemlje, koji je davno trebao biti usvojen. Upravni odbor pozdravlja pustanje u rad PBS i federalnog radio servisa koji su počeli funkcionirati ove sedmice, kao pozitivan korak ka restrukturiranju sektora javnog emitiranja u BiH.

Upravni odbor energično potiče veću finansijsku i materijalnu podršku od Međunarodne zajednice za humanitarne operacije deminiranja u BiH.

Upravni odbor konstatira da će proces pregovora, koji se vode pod pokroviteljstvom Visokog predstavnika, o pravicnoj podjeli prava, obaveza, aktive i pasive bivše Socijalističke Federativne Republike Jugoslavije ući u svoju konačnu fazu sa konferencijom koja će se održati 14. maja u Beču. Zaključivanje okvirnog sporazuma o svim neriješenim pitanjima sukcesije će unaprijediti stabilnost i uzajamne dobre odnose u regionu.